



სსიპ - განათლების მართვის საინფორმაციო სისტემის უფროსი

ბრძანება



MES 0 22 00001.1/66



05/07/2022

N1.1/66

**შპს სასწავლო უნივერსიტეტ მილენიუმის სტუდენტებისათვის და ქართულ ენაში მომზადების საგანმანათლებლო პროგრამაზე ჩარიცხული პირებისათვის სხვა უმაღლეს საგანმანათლებლო დაწესებულებაში გადასვლის პროცესის (რიგგარეშე მობილობის) ადმინისტრირებასთან დაკავშირებული ვადების განსაზღვრის შესახებ**

საქართველოს „ზოგადი ადმინისტრაციული კოდექსის“ 55-ე და 57-ე მუხლების, „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 4 თებერვლის N10/ნ ბრძანების მე-5 მუხლის მე-2 და 2<sup>1</sup> პუნქტების, 5<sup>2</sup> მუხლის პირველი პუნქტის „ა“ და „ე“ ქვეპუნქტების, ამავე მუხლის მე-4 პუნქტის, საქართველოს განათლებისა და მეცნიერების მინისტრის 2011 წლის 30 დეკემბრის N<sup>229</sup>/ნ ბრძანებით დამტკიცებული „საჯარო სამართლის იურიდიული პირის – განათლების მართვის საინფორმაციო სისტემის დებულების მე-5 მუხლის პირველი პუნქტის „ი“ ქვეპუნქტისა და სსიპ - განათლების ხარისხის განვითარების ეროვნული ცენტრის 2022 წლის 1 ივლისის N745910 კორექსონდენციის საფუძველზე,

**ვბრძანებ:**

**1. შპს სასწავლო უნივერსიტეტ მილენიუმის სტუდენტებისათვის და ქართულ ენაში მომზადების საგანმანათლებლო პროგრამაზე ჩარიცხული პირების სხვა უმაღლეს საგანმანათლებლო დაწესებულებაში გადასვლის პროცესის (რიგგარეშე მობილობის) ადმინისტრირებასთან დაკავშირებით, განისაზღვროს შემდეგი ვადები:**  
**ა) დაწესებულებების მიერ რიგგარეშე მობილობის გზით, საფეხურებისა და ძირითადი საგანმანათლებლო ერთეულების ან საგანმანათლებლო პროგრამების მიხედვით მისაღებ სტუდენტთა ადგილების რაოდენობის, აგრეთვე სწავლის საფასურის შესახებ სსიპ - განათლების მართვის საინფორმაციო სისტემაში ინფორმაციის წარდგენის ვადა - 2022 წლის 11 ივლისიდან - 15 ივლისის ჩათვლით;**

ბ) რიგგარეშე მობილობის წესით ჩასარიცხ პირთა შესახებ დაწესებულებების სამართლებრივი აქტების პროექტების სსიპ - განათლების მართვის საინფორმაციო სისტემაში წარდგენის ვადა - 2022 წლის 8 აგვისტოდან - 12 აგვისტოს **ჩათვლით**;

გ) სტუდენტის რიგგარეშე მობილობით ჩარიცხვის შესახებ დაწესებულების უფლებამოსილი ორგანოს ბრძანების გამოცემის ვადა - არაუგვიანეს **2022 წლის 18 აგვისტოსი**.

2. უმაღლესი საგანმანათლებლო დაწესებულებისათვის ადგილების თავისუფალი რაოდენობა გამოითვლება ამ დაწესებულების ავტორიზაციის შესახებ გადაწყვეტილებით განსაზღვრულ სტუდენტთა ადგილების ზღვრული რაოდენობის, უმაღლესი განათლების მართვის საინფორმაციო სისტემის მონაცემებით **2022 წლის 8 ივლისის** მდგომარეობით, აქტიური სტატუსის მქონე სტუდენტების რაოდენობის, დაწესებულების მიერ „ერთიანი ეროვნული გამოცდების ჩატარების დებულების“ და „საერთო სამაგისტრო გამოცდების“ საფუძველზე სპეციალური ანკეტა-კითხვარებში წარმოდგენილი მისაღები ადგილების რაოდენობისა და მიმდინარე სასწავლო წლისათვის დამამთავრებელი სტუდენტების რაოდენობის გათვალისწინებით.

3. დაევალოს სსიპ - განათლების მართვის საინფორმაციო სისტემის საგანმანათლებლო ინოვაციების და ტექნოლოგიების სამსახურს, ამ ბრძანების საჯაროდ გამოქვეყნება, სსიპ - განათლების მართვის საინფორმაციო სისტემის ოფიციალურ ვებ-გვერდზე განთავსების გზით.

4. ბრძანება ძალაში შევიდეს საჯაროდ გამოქვეყნებისთანავე.

5. ბრძანება შეიძლება გასაჩივრდეს ქ. თბილისის საქალაქო სასამართლოში, ადმინისტრაციულ საქმეთა კოლეგიაში (ქალაქი თბილისი, დავით აღმაშენებლის ხეივანი. მე-12 კმ. №6), კანონით დადგენილი წესით გაცნობიდან ერთი თვის ვადაში.

**საფუძველი:** სსიპ-განათლების მართვის საინფორმაციო სისტემის ბიზნესის ანალიზისა და პროექტების მართვის სამუშაო ჯგუფის ხელმძღვანელის - სალომე ჯაფარიძის 2022 წლის 5 ივლისის N755795 სამსახურებრივი ბარათი.

სსიპ-განათლების მართვის საინფორმაციო სისტემა  
სისტემის უფროსი  
ბერიძე დიმიტრი

